



## OKVIRNI SPORAZUM o javnoj nabavci usluga očitavanja potrošnje gasa

KJKP Sarajevogas, Sarajevo, Ul.Trg Fadile Odžaković Žute 4, Sarajevo, BiH,  
Koga zastupa: V.D. Direktor Preduzeća Ibrahim Karahodžić, dipl.ing.maš. (u daljem tekstu: Naručilac),

i

«MHS d.o.o.», Ul. Džemala Bijedića do br. 130, 71000 Sarajevo, BiH,  
Koga zastupa: Direktor Eldin Rastoder, (u daljem tekstu: Pružalac),

### Član 1.

Predmet ovog okvirnog sporazuma je nabavka usluga očitavanje potrošnje gasa po provedenom otvorenom postupku nabavke broj: TD-05-26/19, a shodno čl.32. Zakona o javnim nabavkama i ponudi pružaoca usluga.

### Član 2.

Okvirni Sporazum se zaključuje u ukupnoj vrijednosti usluga u iznosu od **576.120,00 KM** bez PDV-a (slovima: petstotinasedamdesetšestiljadstodvadesetKM).

Potpisivanjem ovog okvirnog sporazuma Naručilac ne preuzima obavezu niti garantuje izvršenje nabavke predmetnih usluga u bilo kojem obimu ili vrijednosti, a naročito ne u iznosu iz predhodnog stava.

Obaveza nastaje tek zaključivanjem pojedinačnog ugovora o javnoj nabavci usluga iz čl. 1 ovog ugovora.

### Član 3.

Okvirni sporazum se zaključuje za period od **2 (dvije) godine** prema Obrascu za cijenu ponude broj: SP-OJ04-TD-05-20/20-01, koji je priložen ovom okvirnom sporazumu i predstavlja njegov sastavni dio.

Ugovorne strane su saglasne da će ugovorene cijene iz Obrasca za cijenu ponude ostati nepromijenjen svo vrijeme trajanja ovog okvirnog sporazuma.

### Član 4.

Za period naveden u članu 3. ugovorne strane će zaključivati pojedinačne ugovore o nabavci usluga iz čl.1. ovog ugovora prema potrebama naručioca.

### Član 5.

Pružalac usluga se obavezuje da će mjesečne usluge očitavanja realizirati u roku od **tri (3) dana** kada je sezona grijanja te u roku od **četiri (4) dana** kada nije sezona grijanja, nakon dobivanja narudžbe od naručioca, u količinama koje odredi naručilac.

Za svaki dan kašnjenja u izvršenju usluga naručilac će pružaocu zaračunati penale u iznosu od 1% s tim da iznos penala ne može preći 5% ukupne vrijednosti ugovora iz člana 4. Ovog okvirnog sporazuma.

Za svako pogrešno očitavanje koje naručilac prouzrokuje dodatne troškove naručilac će pružaocu usluge zaračunati penale u iznosu od 1% od mjesečne vrijednosti ugovora.



**Član 6.**

Pružalac će obračun izvršenih usluga vršiti po jediničnim cijenama iz priloga ovom okvirnom sporazumu. Naručilac će plaćanje izvršiti nakon isteka roka od **30 (trideset) dana**, a po prijemu uredno ispostavljene poreski ispravne fakture za izvršene usluge na transakcijski račun pružaoca usluga naveden na fakturi.

**Član 7.**

Obaveza pružaoca usluga je da u roku od **sedam (7) dana** računajući od dana potpisivanja ugovora iz člana 4. Ovog okvirnog sporazuma, dostavi naručiocu garanciju za dobro izvršenje posla u iznosu od 10% od vrijednosti ugovora, po svakom pojedinačno zaključenom ugovoru, u obliku bezuslovne bankarske garancije sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko pružalac usluga obavli sve ugovorene poslove kvalitetno i u roku, naručilac će u roku od petnaest (15) dana pružaoцу usluga vratiti pomenutu garanciju.

Ukoliko pružalac usluga ne dostavi traženu garanciju po svakom pojedinačno zaključenom ugovoru u zadanom roku iz stava 1. ovog člana, zaključen ugovor će se smatrati apsolutno ništavim.

**Član 8.**

Odredbe ovog okvirnog sporazuma ne mogu se mijenjati nakon njegovog zaključenja.

**Član 9.**

Ovaj okvirni sporazum primjenjuje se danom potpisivanja od obje ugovorne strane.

**Član 10.**

Sve eventualne sporove ugovorne strane će rješavati mirnim putem, a ako u tome ne uspiju nadležan je sud u Sarajevu.

**Član 11.**

Okvirni sporazum sačinjen je u 4 (četiri) primjeraka od kojih svaka od ugovornih strana zadržava po 2 (dva) primjerka.

**Za Pružaoca:**

Direktor

Broj ugovora

90/20  
28.08.2020

**Za Naručioca:**

V.D. Direktor Preduzeća

Ibrahim Karahodžić, dipl.ing.maš.  
Izvršni direktor

Alisa Konaković, dipl.iur.

Broj ugovora

175/20  
28-08-2020